

元
風
雅

四



元風雅卷之十一

侍書學士蜀郡虞集

送兄解賦至京南歸

老兄五月來作客八年不見頭揔白五兄兄弟
四人在忽憶中郎淚沾臆我家蜀山忠孝門無
田無宅唯書存兄同筦庫實父蔭弟竊餘祿承
君恩文章不如孟氏好叔氏最少今亦老土郎
十歲未知學嗟我何為長遠道諸兒讀書皆不
多又不力耕知奈何憂來每得二三友看花把
酒臨風哦蜀山嵯峨歸未得盤盤先壟臨川側
碧梧翠竹手所移應與青松各千尺南風吹雪

河始冰兄歸烏帽何熒熒明年乞身向
天子共讀父書歌太平

題丹邱生墨竹

昔者老可守陵州守居北山吾故邱太守時來
看山雨每畫紙背成滄洲老蒲松煙色過重揮
霍陰厓交劍矛百年離亂亡故物敝篋江南誰
與收新圖篋簞枝葉脩使我不樂思昔侯碧雞
祠前杜鵑叫玉女井上叢篁幽棠梨樹高青子
落碧華翠萼縈牽牛楊雄無家不歸老蠨蛸蟋
蟀寒相求丹邱先生東海客何以見我空山秋

蕭條破墨作清潤殘質刊落精英畱坡陀□□
分細草山石縈紆開亂流眉山學官勿嫌冷□
歸故鄉非遠遊石田茅屋儻可得萬里欲上東
吳舟百花潭深濯新錦持報以比珊瑚鉤

題金人出塞圖

海風吹沙如卷濤高為陀磧深為壕築土其上
嚴周遭名王專居氣振豪肉食湏飲田為遨八
月草白風颼颼馬食草實輕骨毛加弦試弓復
置橐今日不樂心慄慄什什伍伍呼其曹銀黃
鬼鶻明繡袍鷓鴣小管隨鳴靴背孤向虛出北

臯海東之鷲王不驕錦韉金鏃紅絨條按習久
畜思一起是時曉清天翳絕駕鵲東來雲帖帖
去地萬仞天一瞥離婁屢望目力竭微如聞音
鷲一掣束身直上不廻折遂使孤飛一片雪頃
刻平蕪灑毛血爭誇得雋損足悅挂鬼懸狼何
足說旌旗先歸向城闕落日悲風起蕭屑煙塵
滿城鼓微咽大酋要王具甘歆王亦欣然沃焦
熟閤支出迎騎小馘琵琶兩姬紅顴頰舞歌迭
進醉燭滅穹廬斜轉氍毹月

華陽洞南便門崇壽觀銘詩

大茅南垂元氣積陰關闔扉陽洞闢曲穴流泉
保靈宅任君來餌黃赤石天一召錫太元冉曲
阿受養良有擇構宮方嚴自王伯清蹕臨止靈
響格虛林森爽化赫奕福鄉帝子發甘液不食
何年罍遺甕白雲映空武清客開元全盛煩百
役持節旁午致纁璧爾來蕭條世代隔石鐙刻
文土漫畫誰其啓之規古昔句曲外史美冠舄
研書千卷視貞白天真景隨元系澤玉室金堂
萬無數

題李伯時九歌圖

太乙神君號東皇玉質要妙含和陽生生氣始
通微茫縣縣蒸空神中央浮英上羅天文章覆
冒下滿谷與阮旁塞無間靈無方靈來乘柔往
乘剛湘君夫人鎮相望清溫靜好非淫傷司命
元老元氣昌手執藜杖色老倉廩劫壽命不可
量少君之壽同其長離無異體合有常出入萬
化終不忘晶明發晨上搏桑海天赫赫真金芒
質鍊不滅長垂光河源混混流湯湯伯也坐視
無迎將千古萬古何堂堂彼幽為厲為強梁朝
狸暮豹方鵠張精魂熠熠志意荒招之不返巫

無良屈生作歌沉九湘世人傳聲罕尋詳祝融
仙子調元黃九神出圖百怪藏不信請視虞公
章

盜發亞父塚

盜發亞父塚寶劍實累之塚開寶氣盡獄吏書
盜辭盜言唯見寶寧知亞父誰項王不相信弟
子遂輿尸黃腸下深錮千載復何為大河在城
東落日在城西過客立城下躊躇望安期

次韻袁伯長賦陶心

憶昔白雲君高居保黃寧夕煉黃帝鼎晨註神

農經羣真時滿座逸響每盈庭寸田既無畔幽
闕那有扁飛凌萬物表婆娑垂帶鈴歸來塵世
外曾孫宴虛亭所志在高遠三峯列青冥頽然
得所止一念三十齡崑崙安明珠旭日曜帝青
槃桓有童子松根求茯苓

杞菊軒

高軒何所植杞菊交根枝紫實既秋熟黃花亦
晚滋嘉名信可愛可以樂予饑此邦號富庶士
賈志懷資蕭條山石間誰復見惇嫠遺脫兼并
餘椎剝無完肌縱守百畝受寧得安耘耔種此

跬步內庶無征奪思採擷勿違節烹茗貴有期
三咽可千歲逍遙奉天隨

奎章夜直二首

月下白玉階露生黃金井疎條棲雀寒衰蕙鳴
蜚冷戀闕感時康懷歸覺宵永晨鐘禁車來白
髮聊自振

月出古城東海氣浮空濛車騎各已息宮闕何
穹窿牧馬草上露吹笳沙際風帳中忽聞鴈傳
令穀琇弓

題儋耳東坡載酒堂

翳翳儋耳城歷歷枕榔樹百年遺故邱新堂設
賓阼清風海上至朝陽在庭戶丹山五色鳳覽
德屢來下甘辛熟桂酒羅列雜諸蘋符離多子
孫食飲祭先具蛟龍波浪深歸來風雨除

送伯長待制扈從上都

日色蒼涼映赭袍時巡無乃
聖躬勞天連閣道晨留輦星散周廬夜屬橐
白馬錦韉來窈窕紫駝銀鑊出蒲萄從官車
騎多於雨獨有楊雄賦最高

和袁待制退朝見貽

是日加上徽號禮
成集即奉祠齋宮

翠蓋重重寶扇斜從官穿柳散慈鴉過宮路近
紆天步上壽杯深閣雨花玉貫兩虹通象緯
衣成五色練雲霞奉祠東去蓬萊道春雨鳬鷺
踏漢槎

次韻伯長見貽使蜀

紫禁沉沉曙色低奉祠羣使已班齊承恩歸院
迷煙樹乘傳開關踏雪泥蹒躑共憐騎苑馬逶
迤不若聽朝雞山川有事寧辭遠咫尺成都是
國西
棧道年年葺舊摧已口平易履崔嵬經行關輔

圖中見夢想鄉山馬上來諸葛精神明似日相
如情思冷於灰重思親舍猶南國願托江波去
却迴

和周南翁朝回即事

三十六竿吹鳳凰

九重春色絢天光卿雲微動旌旗暖湛露初晞
草木香貝葉神師東度嶺金輿馴象北浮洋小
臣職在歌功德拜手陳詩對日長

謝周南翁

使過池陽聞上日好懷浩蕩為君開江干維楫

車馬集亭上持杯風雨來通夜魚龍聽語竟明
年鴛鴦憶朝迴九華秋色翠可拾為問謫仙安
在哉

送甘允誠使閩

有旨徵處士杜清碧

太史名山閱秘經承恩衣繡許趨庭江頭飛蓋
逢春雨林下幽人識使星宣室夜深蓮燭絳石
渠畫永竹書青

清朝盛典須成績最想還歸馬四馬駒

寄武夷天台虎林三君子

杜清碧周本
心羅太無

武夷山裏芝三秀華頂菴中黍一炊湖老每憐

鴻去遠山人無訝鳳來遲浮關紫氣緣書住照
夜青藜賴客知賀監清狂天所念故令黃髮訪
安期

次韻范德機

清江先生天下士十年不出鬢如絲田舍每詢
□後計玉堂今見寄來詩風前過雨林花動日
下行雲省樹移還覓舊遊春欲暮楊郎為我道
□期

送劉文廷清江錄事

清江百尺石為城太秀千峯積雨晴官府幾時

□ 冊靜漁舟盡日釣絲輕故家好訪春秋學□
□ □ 懷月旦評頗有老懷煩錄事到州為問范
先生

送張伯雨入茅山

獨棹扁舟入白蘋隱居舊宅□棲真囊盛肘後
存丹訣書到人間稱道民未覺白雲畱住晚也
知蒼术寄來頻手栽松上騎黃鶴當是華陽第
幾人

隱居聞道無人跡麋鹿來依積雪深每隨雲氣
得芝术莫怪丹光穿樹林茅君自騎一虎下木